

古今醫統大全

古今醫統大全卷之二十四

嘔吐噦門

病機

內經敘論

至真要大論諸逆衝上皆屬於火諸嘔吐酸暴注下迫皆屬於熱
經絡篇曰足太陰脾之脉復從胃別上膈注心中是動則病舌本
強食則嘔

脉解篇曰食則嘔者物盛滿而上溢故也

卒痛論曰寒氣客於腸胃厥逆上出故痛而嘔厥陰之病少腹堅
滿厥病嘔病食不下入而復出厥其寒氣入脾食畢而吐

靈樞經曰人之噦蓋穀入於胃胃氣上注於肺寒氣邪氣穀氣俱還入胃新故相亂真邪相攻氣併相逆復出於胃故為噦

又曰胃氣逆為噦 又曰病深者其氣噦

劉河間曰胃膈熱甚則為嘔火氣炎上之象也

楊仁齋云胃氣不和而嘔吐人所共知然有胃寒有胃熱有痰飲有宿食有風邪入胃有氣逆衝上數種之異可不究其所自來哉
丹溪曰嘔為火氣炎上特其一耳有氣逆者有寒氣鬱於胃暑有食滯胃脘而新食不得下而反胃者胃中有痰而嘔者有久病胃虛不納穀者

嘔吐噦總為胃病

東垣發明嘔吐噦者俱屬於胃胃者總司也究其三者之源皆因脾胃虛弱或因寒氣客胃加以飲食所傷而致胃氣上逆或嘔或吐或噦者皆陰火之邪上冲而吸入之氣不得入故食不下也邪氣衝之火逆胃中而作者也

嘔吐噦病屬於三陽

嘔者陽明

也陽明多氣多血故有聲有物氣血俱病也仲景云嘔

多雖有陽明證不可攻之藥以生姜為主或有形質之物為病者因而越之可為上焦氣壅表實而宜之非以瀉氣而言之也

吐者太陽

也太陽多血少氣故有物無聲為血病也有食入即吐

以橘紅主之有食已則吐有食久則吐

噦者少陽也少陽多氣少血故有聲無物氣病也以姜製半夏
之是也

吐分三焦氣積寒

機要曰吐有三因氣積寒也皆從三焦論之**上焦**在胃口上通於

天氣主納而不出**中焦**在中脘上通天氣下通地氣主腐熟水穀

下焦在臍下下通地氣主出而不納是故**上焦吐者胃脘積氣氣**

者天之陽也其脉浮而洪其證食已即吐渴欲飲水大便結燥氣

上衝胃而發痛治當降氣和**中焦吐者胃後積有陰有陽食**

與氣相假為積而痛其脉浮而長其證或先痛而後吐或先吐而

後痛治以毒藥去其積木香檳榔行其氣**下焦吐者胃下積有寒地**

道也其脉沉而遲其證朝食暮吐暮食朝吐小便清利大便秘而
不通治以毒藥通其秘塞溫其寒氣大便漸通復以中焦藥和之
不令大便秘結而自愈也

脉候

脉浮而洪者為氣逆○沉而遲者為寒○跌陽脉浮者胃氣虛嘔
而不食寒氣在上噎氣在下二氣相爭但出而不入其人即嘔而
不得食恐怖即死寬緩即瘥○脉陽緊陰數食已即吐陽浮而數
亦然○關脉浮大風傷胃○關上脉數其人即吐○寸口緊為寒
芤為虛虛寒相搏脉為陰結而遲其人噎○脉絃者虛胃虛無餘
朝食暮吐暮食朝吐變為反胃寒在膈上反下之令脉反絃故名

治法

曰虛○寸口脉微而數微則無氣無氣則榮虛榮虛則血不足血不足則胃中冷故痛而吐○嘔而脉弱小便復利身有微熱難治

治嘔吐噦詳虛實寒熱四法

胃虛嘔吐惡食不思食兼寒者惡寒或食久還吐或朝食暮吐暮食朝吐脉遲而微瀼此皆虛寒者也宜**藿香胃湯**理中湯甚者

丁香散溫補

胃中鬱熱飲食積滯而嘔者則惡食惡寒煩悶膈滿或渴喜涼聞食則吐服藥亦吐脉洪大而數此皆實熱者也宜**竹茹湯**麥門冬湯清之若食積多者用三陳加神麴麥芽黃連便和之類消導

治嘔吐噦復分新久

無病之人卒然而嘔吐定是邪客胃府在長夏暑邪所干在秋冬

風寒所犯干暑者**和湯**之類犯寒者**霍亂**之類

湯五積散之類久病而吐者胃虛不納穀也**六君子湯**加丁香豆

薤調中益氣湯之類常常惡心嘔吐清水有熱而有痰也宜用**二**

陳湯加蒼朮厚朴黃連生姜之類是也○嘔家多服生姜生薑為

嘔家之聖藥也○朱秦議治嘔吐以生薑橘皮半夏之○有形

質之物滯於膈中并膈上有痰者宜先吐之則經所謂其高者因

而越之是也○丹溪云胃中有執膈上有痰二陳加炒梔丁黃連

生薑○胃虛嘔吐不能納穀生薑參芪白朮香附之類○肝火出

胃逆上而嘔者抑清丸。夏月嘔吐不止五苓散加姜汁。吐蛇而嘔以錫灰煨榔末米飲調下。嘔吐而食不得進為胃風也清嘔則愈。嘔而心下否半夏瀉心湯。嘔逆上氣者陳皮竹茹湯。似嘔不嘔似噦不噦無賴者生姜半夏湯。多酒而嘔吐者宜砂仁豆蔻蓮萊乾葛鮮醒之類。久病吐者胃氣虛不納穀也生姜人參白朮黃芪香附治之。凡痞滿短氣而嘔宜補中氣止可用調中益氣湯。惡心吐清水者有熱有痰有虛皆用生姜隨症佐藥治之。胃中有痰有熱者陳湯加姜汁炒黃連黃芩煨虛者加人參白朮。又云胃虛嘔者陳湯加砂仁藿香白朮。痰飲為患或因多食生冷脾胃不和以致嘔吐惡心或頭眩或胃脘懊懣不

快或發寒熱二陳湯加丁香烏梅生姜煎服心下否而痛者加草
豆蔻仁○痰熱惡心嘔吐氣盛者導痰湯加砂仁竹茹姜炒黃連
女子嘔吐甚者死以其陰在上故也○諸大吐渴飲水者死以童
便飲之妙○凡嘔吐者切不可下逆之故也

漏氣嘔者身背皆熱肘臂痠疼氣不續膈間悶食入則先吐而後
下名曰漏氣由風邪客腠理經氣失道邪氣內著麥門冬湯主之
走哺者下焦實熱便不通氣逆不續嘔吐不禁名曰走哺人參
湯主之

藥方

○通治嘔吐劑

藿香安胃散 治一切嘔吐不止

藿香

半夏製

陳皮

厚朴

蒼朮各一錢

甘草炙三分

水盞半姜七片枣二枚煎七分服

藿香安胃湯 治胃虛而嘔

藿香

人參

陳皮各一錢

丁香五分

生姜十片

水煎服

一物湯 治卒吐暴逆虛弱困乏無力及久病人嘔吐飲食入口

即吐者

黃揀人參

一兩 擘破

水一大碗煎五分服之

再以參汁煮 粥服之而愈

加味二陳湯

治嘔吐冷熱不調氣逆衝上

陳皮

茯苓

半夏

麴各一錢

甘草

藿香

砂仁

各五分

白朮

神麴

人參

各七分

水二盞姜五片棗一枚煎八分溫服

白朮湯

治胃虛痰氣嘔吐

白朮

二錢

半夏麴

二錢

茯苓

一錢

甘草

五分

檳榔

一錢

木香

五分

水二盞姜五片煎七分服

大藿香散

治七情傷感氣鬱於中眩運痞悶嘔吐不食

藿香

洗

人參

各五分

半夏

麴

白朮

各一錢

白茯苓

陳皮

各七分

桔梗

五分

枇杷葉

炙去毛五箇

官桂

三分

甘草

木香

各三分

水二盞姜五片棗一枚煎八分食遠服

加味七氣湯 治氣鬱嘔吐

半夏

厚朴

人參

茯苓各一錢

官桂五分

甘草炙五分

水盞姜三片棗一枚煎七分服

○胃寒嘔吐劑

理中湯

治脾胃虛寒嘔吐有痰氣加半方見傷寒門

治中湯

治胃中虛過傷生冷腥膈吐逆不止方見寒門

養胃湯

治胃虛寒不思飲食反胃嘔吐方見方胃門

草豆蔻湯

治嘔吐和中調

草豆蔻

藿香各五分

陳皮

枳殼各五分

白朮

山藥各一錢

桂心

丁香各二錢

水蜜半姜五片棗二枚粟米少許煎七分食前溫服

三聖散 治胃寒嘔逆不食

半夏大者七枚先以錙子穿透心用麻繩穿過於井內浸七日一日一換為散烘乾用

丁香四十枚

胡椒四錢

為細末大人用生薑湯調一服

小兒筋頭點生薑汁後點藥于口內立愈甚者三服

丁香者散 治胃虛寒嘔吐不食

丁香

紅豆

甘草炙

乾姜炮

青皮

陳皮

川烏

良薑各五錢

胡椒七粒

益智仁五粒

水二盞鹽一捻煎七分空心服

丁香半夏丸 治胃寒嘔吐吞酸

丁香 一兩

紅豆

半夏 製各二兩

皂莢 二兩

陳皮 三兩

為末姜汁打糊丸胡椒太每服二十九姜湯下

紫沉香丸

治中焦吐食由食積與寒氣相假故吐又痛

半夏麴 一錢

代赭石 三錢

砂仁

烏梅肉

丁香

檳榔 各二錢

杏仁

沉香

木香

陳皮

白木 錢多

肉豆寇 錢

巴霜 五分

右為末醋糊丸胡椒大每服二十九姜湯下

○胃中鬱熱嘔吐劑

竹茹湯 治胃中邪熱心煩喜冷嘔吐不食

葛根二錢

半夏三錢

炙甘草一錢

竹茹一大錢

水二盞姜五片棗二枚煎七分細細服手足心熱者和中

一人病傷寒得汗身涼數日忽嘔吐藥與飲食俱不下醫者皆

進丁香藿香等藥咽即吐予曰此正汗後餘熱留胃中正與

竹茹湯相合亟煎一服與之遂安

麥門冬湯 治煩熱嘔逆食下即吐

麥門冬

竹茹

茅根

生姜

人參各一錢

甘草五分

水盞半煎七分服

竹茹二陳湯 治胃中有熱噦上有痰嘔吐不已

竹茹二錢

陳皮

半夏

白茯苓各一錢

甘草

炙五分

水二盞姜七片煎八分服

香茹飲

治伏暑嘔吐方見暑門

和中枳殼湯

治上焦氣熱上衝食已暴吐脉浮而洪

枳殼

白朮

半夏各錢半

陳皮

茯苓

桂梗

厚朴各七分

水二盞姜五片

煎八分調木香檳榔末一錢食遠溫服其功如神

荊黃湯 治暴嘔吐熱氣逆上者

荊芥穗

二錢

黃芩

一錢

甘草

六分

大黃

二錢

水煎調檳榔末一錢服

○導痰消食劑